



METONGBOLNI CITTIM



LLEWELLYN R. MARAK.

**Author of Ring'ani Bimik, Dikki Bak I—II, Bebera'ani Bimik.
(Mite kritgiparangni bebera'ani), Drawing Book for
Class III. Drawing Book for Class VI,
Goerani katta (in Press), Bikkini Gro dinga (in Press),
Pa Togan N. Sangma etc.**

METONGBOLNI CITTIM



LLEWELLYN R. MARAK

Published by
Mrs. B. G. Momin
R. C. Road,
Chandmary.
Tura - 791002.

CHAPA KA'CHENGIPA
1987

Printed at EEU DEE Printers
Nakham Bazar, Tura.

AGANDAPANI

METONGBOLNI GITTIM, lan A'chikrangni Katta Agananiko Pa Llewellyn R. Marakni (Pangrakpa) seskaani onga. Iako ua A'chikrangni agانبewal gitan katta ma'rape aro knatose seaha.

Metongbol A'chik A'songni salgrochi donggipa chongipa a'bri onga. Iani gimin Geographyo janapaniko anching nikja, maina uan Geographyo janapna krae chugipa ba mingsunggipa ong'ja. Indiba A'chikrangni Katta Agananio lan uamangni janapna namukgipa bimung onga. Mingsa A'chikrangni agananio gita skango Nokrek A'brio songdongdulgipa A'chik raja Abong-Noga (Abing Raja) Metongbolo an'tangni matchnraugko jilahana.

Ia kitapko Pa Llewellyn R. Marak "Metongbolni Gittim" ine bimungko donon, ua Metongbol a'brio onga obostarangko sejaha; Indiba A'chikrangni Katta Agananio gita nitobegipa A'chik me'tra So'ren dongram biapko aro uno onga obostarangko agananisan ong'aia. Ua agananio gita So're nomilata Metongbol gittimoso songdongachimna.

A'chikrang Dikki Bandini gimin aganna aro kuatimna namukbea. Ia METONGBOLNI GITTIM kitapoba uamang sakgnini gimin aganaha. Bandi maikai na'katok chike milsi chotana milsi am'mitingo Totoksi Miktoksi, Ki'megong Miktagong So'reni a'ba re'angako rimdrae ra'bae gale katangako maikai man'rikaha, aro borangko balwa man'bae gale donangao-niko Gitingko maikai Dikki man'soaha, iarangni gimin Pangrakpa Katta Aganani bewalo seaha. So'reni bimang daknangako kwakmachichi aganode ba seode indita me'sue talatna man'jawachim, indiba poedo minga gita katta ma'rape katta agana gita aganmitape aganatoa bifonggen me'suanga. Unbake ia p'kak golpoko kwakmachichi ong'gija poedoni rokom aro katta aganani bewalo nambee seaha. Indake sena bang'gija manderangan man'aia, aro Pangrakpa indake sena changgiparangoni saksanong'a.

Manderangni mikcha-ka'sagrikani golporang knatime rona namen suk ong'bea. Cleopatra aro Antonio, Hitler aro Eva Brown, Napoleon aro Josephine, Helen aro Paris, Romeo aro Juliet, Shah Jehan aro Mumtajmahal, aro indakg'pa jorarangni ning'tue mikcha-ka'sagrikani poraina ba knatimna namen me'sua. A'chikrangoba Sonatchi aro Khalsin, Wal'jan aro Ser'jing aro indakgipa golporang gnang. Ia METONGBOLNI GITTIM ki'tapo Dikki aro Giting, Bandi aro So're joragnini jikdong-sedongani gimin me'sube katta agananiko poraina man'gen. Ia ki'tapko poraigiparang changsa poraiwate donaigija uko poraitaitainan sikaigen

A'chikrango Katta Aganna man'giparang aro uigiparang dongangaengaha, aro indake namnamgipa golporang aro agananirang gimaangengaha. Uni gimin an'ching indakgipa A'chik jatni gisikni gamrangni gimaangako champengna gita iarangko see rakkirikna nanga. Ia ki'tapo A'chik Katta Aganani ming-sako Pangrakpa seaha aro uan jatna dal'beani kam ong'aba.

An'ching pilakande sena-jotna changpagiparang ong'ja, indiba porainade an'ching pilakan man'a. Uni gimin jemangan seaha, uan angni segiminrangko bree an'ching poraiskaode uaba ki'tap sepiparrngna dal'bea dakchakani ong'a. A'chikkuchi ki'taprangko sepaoba A'chikskarangan ua ki'taprangko brejani gimin ki'tap segiparang namen noksan ong'a. Indiba ki'tap segiminrangko bree boraitokode ki'tap segiparang gipin ki'tapko setaina gita gisik dilan baksa palani damchi gipin ki'tapko chapa ka'attaina gita korosko man'a. Uni gimin pilak A'chikrang A'chikkuchi segimin ki'taprangko bree poraiode indide ki'tap segipana dakchakanisan ong'aigija ian jatna dal'bea dakchakani ong'gen.

Kusikchi jatko rika. Ku'sik jatni janggi. Ku'sik siode jatna sia. Uni gimin hai an'ching A'chik jat gimik sena-jotna gisik rangna aro segimin ki'taprangko bree poraina. Indake ku'mongachi an'ching jatangni kusikko silrora-namroroatan baksa jatko nambee rikanio jat on'enga. A'chik jat tangbangchina.

Lindrid D. Shira.

Lecturer,

Deptt. of Garo,

Tura Govt. College, Tura.

Dated Tura,

The 17th July, 1987.

AGANCHENGANI :—

Ia kitapo A'chikrangni aganritingbagipa kattarangoni ming-sako seaha. Jol dingtang dingtango agangiparang aditan dingtangrika. A'chik a'songni salgipeng jolo agangipa baksa salgro salaram jolo aro bijatchi jolo agananirang apsan ong'ja. Biap aro manderangni bimingrangba adita dingtangtrike agana; indiba Dikki aro Bandikode pilakan apsan agara. Salgro salaram jolo, Sonabal, Walang aro Katchini gimin aganrongbata. Salgipeng joloa Giting aro Kanjng-ni gimin aganronga. Tura A'bidingni salgipengchi Ruta, Gangga, Jingjang, Dikki aro Bandini gimin agana. Ia agananirang gikan knatime rona nambea aro su'ubea.

A'chikrangni chasongni chasongna aganritingbagipa kattarang ia chasongo gimaroroengaha. Uarangko aganna changgiparang siangtokengaha aro ruutgijian uarangko man'giparangko nikna nengnok. Ia kitapko anga katta aganna man'giparangna sea ong'ja. Katta aganako knagijagiparangnasa seaha. Anga antangba katta aganna changgipa ong'paja; indiba man'giparangni aganako chol ong'on uarangko chimonge ra'na jotton ka'aha. Manderangni anti a'kang re'e, waltuao, nokdong gaao, a'jak rimao aro walsengani mangdongani salrango asonge knatimpae chimongskile ra'giparangoni iaba mingsa ong'para. Ia Chasongo poraienggipa A'chik pante me'trarangna aro A'chikku mangmangko poraina changgipa ma'a parangna choljokmitngo, paraie ropachinasa anga miksonge seaha. Ia kitapko poraina manderang namnikode angni duk chake seani ong'gramaiani ong'jawa ine anga chanchia. Uan angna mandapani ong'skagen.

Ia kitapko chapa ka'atna gita Meghalayani Rtd. Jt. D. P. I. Pa Branson S. Sangma (Madopa) angna bang'a dakchakanirangko on'aha aro Tura Govt. College-ni Pa Lindrid D. Shira ia kitapna agandapaniko on'aha. Uamangko anga dingtangmancha mitteln ska. Uamangna agreba ia kitapko semitingo angni ripeng skarang bang'an k'upatianirangko on'aha. Uamangni bimingrangko mingtokode bang'en sena nanggen. Uni gimin anga iano bimingrangko setokjaoba, uamang gimikkon mittelskana gualja.

Saoba maikoba k'upattiani ba namdapatani kattarangko on'e dakchakna namnikode angna aganpabo. Anga uarangko nambatatna kusi ong'begen.

Llewellyn R. Marak.

(Pangrakpa)

R. C. Road, Tura.

Angni adatang sagi, Ferdinand R. Marakko gisik ia'na;

In memory of

my brother,

Ferdinand R. Marak

Who

breathed his last

on

May 6, 1955 at Eden Bari, Tura.

METONGBOLNI GITTIM SKANGGIPA MESOKA 1

Agansoani :—

Koasi Dorokmade,
Bamindruni deko,
So're Dambeko,
Do'be A'konggre
Mring A'jarekniko,
De dongjana,
Nokna donna am'engana.
Uandaker,
Uni matgrikrangko,
Uni dedrangko aganattokenga.
Danamani Gittimo,
Wal'dide Gitingna,
Mikcha namnike,
Metongbolni Gittimchi,
Dura Rachan songchi,
Re'e nina am'enga.
Ua a'songde,
Mingsing minggamgipasa,
Metongramni A'songsa,
Songjatchi Gittim,
Sara Tangka Goram,
Sona Sobok ong'ram.

Nokpanteo donggiparang :-

Gringrang, Saljapang,
Wal'di, Wal'sang,
Kawak, Sangma Racha,

Gipin matgrikrang :-

Rel Aragondi, Rel Wakmadare,
Asindura, Ganggmatte, Na'chidare, But Skal, Mottomot.

Gitingipa Dura Rachade,
 Simejingni nokchina, A'kim gana am'enga.
 Unomitingo

(Wal'di nokpanteo golpo ka'a)

Wal'di—Ja'dela me'apani agana gita,
 Atteba gitchiba
 Bipong gride nitoja
 Mandeba bipana kra kra,
 Jik dongosa bipana kraa.
 Angade Giting Nomilko
 Metongbolni gittimni
 Dura Rachani degipako
 Rime ra'enaka
 Angna kragipaba
 Una agre dongkuja,
 Nikaba nikkuja.

Sangma Racha—
 Gitingkode man'ama man'jama
 Dura Rachade Dikkikosa
 Nokkromna miksongenga,
 Bandikosa So'rena aganenga.

Wal'di—Dikkina skangde
 Angkosa sing'chengna
 Nangachim bisongde !
 Maikaisa angkode nikchanga ?
 Dikkiko sing'oba
 Ukode anga man'na nanga.
 Anga re'angna nanggen ;
 Ua bachi joke katgen.

Gringrang—
 So'rede dambede da'nang,
 Niaioaba bikode batnika
 Toaioaba bikosa chunika
 Sing'kangkare bikdinge
 Janggil muga se'ene.
 Una agrede gipinkodene,
 Angade ra'jawahane.

Sangma Racha—

Indiba nang'na skangde
 Bandian man'nade
 Krabata gita nika,
 Na'songara maiko chanchia ?

Gringrang—

Aiao ! mama maikaisa ?
 Chanchigija agana na'ara ?
 Janggian sipilaigni,
 So'rekode man'telaigni.

Saljapang—

Indakode na'songde,
 Na'an batama, bian batama,
 Mil'am de'grikanisa ong'gnok
 Bandiba ramramde ong'jane
 Tekkol matchok su'anan
 Bolsal bigil taprapa
 Jakpa piwingwanganan
 Mongma matte siboka,
 Ja'pa ga'susetanan
 Ja'kol chimik tangrika.
 Briko de'jingjetna man'gipa
 Chiko saljingjetna man'gipa
 Uni ga'kikiode, uni chachiode,
 Songdu guuri dinana bata,
 Dura mikka simana bata.

Sangma Racha—

Ong'de ong'bebeane
 Mikkang ki'sang chanchie
 Jawako a'jak botnade,
 Rama o'krechengbo.

Kawak—Aiao, indakode,

Mai dakgen an'chingdè,
 Dikkima'angko ka'o nangatode
 Amchakama amchakjamane ?
 Dikkide mite changsa,

Todikde sabo paksa ;
Dakdamean dakrima,
Rarimean Rurime.

Gringrang—

An'chinga gimikan
A'ko cha'e tanggipa ong'ja
Miko cha'e tanggiparangsa.
Bamindrini songchina
Dobe A'konggrechina
Mring A'jarekchina,
Ang'ke jikdoa gita,
Milsi pidoa gita ;
Re'e nistrangna.

(Ba'ra peng'a).

GNIGIPA MESOKA II

Dikkini Songo—

A'song Salaram,
Chiga Mitechak,
A'song Sona Mite
Chiga Songdu Bima,
Dikgil Do'chi goram,
Me'gam Sara goram.
Matchiao asonge,
Nokpante Jamsirengao,
Derbin Janggichi
Mamatang Dura Rachani,
Songko nigame,
Dongenga Dikkide ;
A'chi jojrang. !
Sakchiko jojrang.
Indake Dikkide,
Jarume'a Jabal pante,
Impret Krimro panteke,

Giting Kanjing abisa
 A'ba tuengako
 Detome ia'ena agaraterga.
 Bisongde Metongbol Gittimo.
 A'ba Borang kosako,
 Enggok ra'tokenga,
 Sa'misi Rani-ni
 Muri pia bibana.
 Boldak bolma kosako
 Balkasin balana
 Mik ritchagnio
 Borang rikgipa.
 Unosa a'bri totsniiko
 Chibima dilsniiko,
 Nikwat niwatna, simdimdim nikata

GITTAMGIPA MESOKA III

Matchaduni A'song :—

Konasim Mikbrim,
 Ajrim Bingjrim,
 Dualkip Tosang,
 Baruak Ku'simang,
 Songkalu Songkaleng,
 Acharu Miksipang,
 Walo wagam warikeng,
 Salo ki'me ge'aikeng,
 Nogipa Nochabrim,
 Abitang Aragisim,
 Dram A'natik,
 Chisam samnatik.
 Miritik Songkimat,
 Bidolmit Kalengpat.
 Elbrim Mikkolsim
 Songchamil Mikkolsim.

Chiring rong'grima,
 Bima bolgrima ;
 Songmatcha sawilgong,
 Chikimil barechong.
 Drokma Rachan a'song.
 Tokotsi Miktoksin' asong.
 Kime salgongguramo,
 Drokma Dorokmade,
 Nokbichongna donra,
 Duru bolna ge'na;
 Uni nokdangnade,
 So'reko mingenga,
 Nokna donna am'enga.

Dorokma—

(Matcharangna agana.)
 Angade So'reko
 Do'be A'konggreniko,
 Nokna donna am'enga ;
 Na'song rime ra'ebo,
 Uko rimjaode,
 Angni nokdangde,
 Nokgimanok,
 Ruronggnok,
 Name rime ra'bo,
 Da'a e'ching nelatbo,
 Na'song man'bajaode,
 Kachao chipa man'genne,
 Na'song gimikko.

Tokoksi—

Chinga rime ra'ena,
 Mring A'jarekniko.

Miktoksi—

'Tango chalangaignok'
 Sio me'mangainok;
 Dakede nignok,
 Ja'kurike ninajok.

Tokoksi—

Chinga da'o salena,
 Do'be A'konggreniko,
 Chinga rama nikjaoba
 Re'angede nichengna.

Dorokma—

Jakskil matatnabene,
 Bigil gilsnokode,
 Ki'sang bet man'gni,
 Tange man'bajaode,
 Chi'pe dona man'genne,
 Kae dona man'genne.

So'reni Nitoe :—

Ja'weng jadokkurna nomila,
 Mik'kang matajimjima anoa,
 Do'a ja'pa seaba indija,
 Te'bi imbal kitaba indija.
 Ja'ping gambariboka bok'ja,
 Sokme meri, ku'tambing jeja.
 Molmol bokkiramako ninama,
 Kni simildoako jenama?
 Aiao nang'ko So'reko,
 Sokja nang'ko nomilko.
 Dangga rugitalsajok anode,
 Do'do pe'gitalsajok bimade!
 Ku'chil mandal bibalan bibala,
 Kni sarin bigonga bigonga.
 Kni wa'gong gatode, anoni,
 Wa'gongsni sokpila, nomilni.
 Janggil na'bat na'ware,
 Okgil boksat bokjare,
 De'e dingdingnagitik bia,
 Sale ku'dimnagitik na'a!
 Nomil sila inoba tenggiljok,
 Nang'ko ma'ani ba'aba bebejok.
 Sila agol batbebejok,

Nama bichu lon'bebejok !
 Nang'ni mikgil tejicha niode,
 Nang'ni re'a mikkango dongode.
 An'pildate katmana,
 Mikkumite chakmara.
 Gisiko ding'do ding'do,
 Katongo tingko tingko.
 Ku'chil taprang pebandok,
 Jaksi oto jakbandok.

(Ba'ra peng a).

BRIGIPA MESOKA IV

Matchruni A'song :—

Chiring bang gisimko anda'mit,
 More rokde rongkatchi balsimit.
 A'bri sapsapin, Gongmre bolkasin.
 Gritting ka'sotting
 Masanchian chachenga,
 Chi ringa chirimit,
 Manggot gisim ra'gipa,
 Karcha brim chingipa.
 Kabera Songgitting,
 Gongmri Dikkasim;
 Brimikkang ajilram andalmit;
 A'kimbri songgatrang balsimit;
 Chia ringa chirimit,
 Mia cha'a Medopit,
 Mikodingding songgipa,
 Gaptek so'slromgipa,
 Gol'dik so'milenggipa.

Matchru—

Hai anggri Bandia,
 Milsa pina re'na.

Bardi— Bachipak re'naka ?
 Bano Na'tok bang'kala ?

Namajing—
 Na'kam dongbebejaha,
 Rim'e ra'egalgalboda.
 Nangpiljeng chiringoniko
 Unon na'rong bang'kala;
 Unon milsi pinade namkala.

Bandi— Hai indide re'e nina,
 Milsa am'na nanggenma?

Matchru—
 Angon gimikan donga;
 Hai, seng'gnang re'na.
 Kilkra pang ritchasa,
 Salskike sakgipa budusa,
 Wa'naruko akbrote
 Ra'gipa milsipongsa.

Bandi— Haimo, namame,
 Re'galgalnamo.

Namajing—
 Seng'gnang re'babone,
 Da'a jarobabone,
 Attamo bijak song'na
 Nakam dongjaha.

Matchru—
 Hai anggri, intangode salnigen.
 (Milsa pina re'anga)

(Ba'ra peng'a)

BONGAGIPA MESOKA V

(M'amasas milsi pia)

Matchru—

Na'rong dal'a chikbebejokai !

Bardi— Bacsas angni piakode katpaktokaia,
On'tisamangba chikmangja.
Ha ! nakatok katpakgipako
Mangsa man'rikpaaha.

Matchru—

Nakatokde chikrongja;
Na'rong, na'chisa chika.
Hi hi hi ! (ka'dinga)
Haida na'katok chikode,
Jikkoba man'jolnaba donga.

Bandi— Aiao, mama na'ade,
Na'tok rim'mitingmangmangode,
Milsis pimitingmangmangode,
Me'chik golpo ka'maljana !

Matchru—

An'chinga na'tokkoa,
Chu'onga gita man'aha.
Maina na'ara jajrenga ?
Na'katokde milsi chikja;
Nang'namanchasa
Ong'sogniko mesoksobengasa.

Ring'ra Ringsal—

So'rede a'ba gamna
Kerang te'arak olesa,
Saksan re'angenga.
Gringrangde ukosa
Nirike dongenga.
Tokoksi, Miktoksi,
Kimegong, Miktagong.

Buring a'jangchiosu,
 Time dengsoenga,
 Sokbao siktate ra'na.
 So're sokbajokoa,
 Chadrapna dakoa,
 Gringrang jagipujok !
 Una an'tang mil'amchi
 Tokoksiko den'atjok !
 Una bolmitinchi,
 Chet, bile katoa,
 Bolsal pangmakosa,
 Mikchiponga ong'gipa ja'pangko,
 Wa'ring bila gita, salbikatoa,
 Den'chok den'watman'a !
 Unon So'rekode man'angjok ;
 Balwa rakdapa gita,
 Changsa chapakangjok.
 Gringrangde unosa,
 An'tesreng dakaijok !
 Kimil chakatrikaljok !
 Be'en an'ripu narikjok !
 Matchru Bandi mamasa,
 Milsi pidoangenga.....
 Nangpinjeng chiringkosa,
 Ka'ding wachek dakesa.

Bandi—

(Na'rong chika) Mama matchru, dakchakchakbo.....
 oo oho !

Matchru—

Mai ong'a, Bano ?

Bandi—

Angni milside chetjok !
 Na'rong dal'a chikana,
 Warioniko salbikatoa,
 Bachiba tang'angrangjok !

Matchru—

Bachi tang'anga ?

Hai sandina.

Bandi—

Ia gitan tang'anga.

(Na'tok milti gnangko sandiangoa, a'bri totsniiko
badeangaha).

(Ba'ra peng'a).

DOKGIPA VI

Bandi—

(aditani ja'maro) Menggo buring dongawai, mama

Matchru—

Ian kataugengaha,

Nang'chipak katangaha !

Bandi—

Uade chingoni.....

Katgipa menggo buringsakon,

Hai, rike nina,

Matchru—

Uan ong'bebeenggenkon.

(Tokoksini ki'sang ki'sang r ikaŋa

Ring'ra Ringsal — —

Tokoksi, Miktoksi

So'reko dongale,

Katangjok noktangchi.....

Bandi, Matchru mamasade,

Chae nio nikrikjana,

Na'rongko sandina

Re'angna dakoa.....

Matchru—

(So'reko nika) Wai, Bandi !
 Me'chik nitobeawai !
 Na'ara saksan mai dakenga ?
 Bani songni nomilsa ?

So're — Skalsa kamalsa,
 Angkode rim'bara.
 Dakchakpabowai ?
 Angade amjaha !

Matchru—

Jajrengnabejok,
 Chinga donga.
 Grapnabejok,
 Anga nitimenga.

Bandi — Aiao maikaisa,
 Komilong pettarongsajok !
 Ba'ra karchaan grijok ;
 Sawamancha nang'koa,
 Ianona rimbara ?

So're — Matcha jinmasa,
 Angkode sale ra'bara.
 Angade a'ba gammasa,
 Re'angpaengachim.

Matchru—

Hai chinga nang'ko,
 Rime ra'sranggen.
 Amanokdrangchi.
 Nang'ko rimanggen.

Bandi — Aiao an'dil seenga,
 Menggo bisak seenga !
 Ba'ra gipinko ganbo.
 Ha, iako ganskabo.
 Chikamachi re'ange,
 Ja'su miksubo.
 (An'tangni ba'ra kang'kareo kaako enge on'a.)

Sore — Aia angade kena,
 Saksan re'ra pa'jawa,
 Angko re'dilpakubo.
 Ka'a moan namkuja angade,
 Hai, argni ja'sua sambao
 Angko senge dongpabo.

Bandi—,Hai, indakoa, hai re'bo chiringchi.
 (Ja'su miksue, ba'ra gansree, Matchruming
 Bandiko ja'rika'ga.)

(Ba'ra perg'a)

SNIGIPA MESOKA VII

Ring'ra Ring'sal.....

Bandi So'reko rimbae,
 Gana korekingako pate,
 Bolsalakkim ja'pango asonge.
 Rodilbebeengjokai da'nang !
 Chalang Rakgipa da'nang.
 Bimang silchi Rugipa,
 Matba Biasi,
 Bandi Angsi,
 Ge'e songtinga gita cheng'rerg.
 Nitosinapajok, kiramatikarijok.
 Unomiting Wal'diba,
 Gitingko seke ra'bana,
 Danamani Gittimni.
 Metongbolni gittimchi,
 Dura Rachan song'china.
 Attam andal'jokoa,
 Balkasin balbajok bal'sristi,
 Salmisin' muni piaña,
 Giting Kanjing abisa.
 Tusitokenga, sarisurigrisa,
 Borang kosak'osa.

Jarumea Ja'bal Pantede,
 U'mang abisakode,
 De'tome ra'babebejok !
 Una Wal'di chae nioa.
 Boltong onjetdapaha.
 Pagipa Dura Rachade,
 Bil'cham jako ra'e.
 A'ba nira re'baoa,
 Borangde dorg'jajok,
 Giting ab sade grijok !

I ura Racha Gitingpa —

(Balwa rakani ja'mano a'ba nina re'bara.)

Angade bol ong'gijachisa,
 Borang ong'gijachisa,
 Re'baman'aha !
 Ha, ! iara sawasa
 Mai dakenga ?

(Wal'dini ma'ame dongengako nikca).

Wal'di—Bachiniba balwa rakbae,
 Borangoni boltong ga'akdapa.
 Borangkode de'tome,
 Balwa ra'angjok.
 Giting abisakoba man'angjok.

Dura Racha—

Hi da'ode !
 Bachipakan man'angenggen da'oara !
 Che, che, ong'jasrangaha.

Wal'di—Anga bisongko sale katna
 Jang'ke maldona dakoa,
 Boltong onjetdapa,
 Wa'chong ga'akdapa,
 Borangkoba man'angjok,
 Mande gnang ra'angjok !

Gitingma—

Bachipak man'anga,
Na'a nikrikpaama ?

Wal'di—Salaramchipak man'anga ;
Walani gimin nikbrejaha.

Gitingma—

Ang'de ba'a-de gimajok,
Himmangai, jawanasa ba'aijok !
(Mikchi gra ga'aka).

(Ba'ra peng'a.)

CHETGIPA MESOKA VIII

Ring'ra Ringsal—

Pring do'gisiko,
Baka wala seng'o,
Do'ka a'ba re'ango,
Do'pinchep chi ko'o,
Giting a'bisako,
Sanditoke nioa,
Nikgija re'bapilaha.
Giting, Kanjing abisakode
Dikkiman' jam sambaosa,
Jarumea ra'bae,
One doneskaaha.

Tani — (Rangsilga A'tari Salaram Mitdechak songo)
Da'siwalode maiba
Ching'bee bilbaa,
Dikkimari a'basamona,
Onchonga gita nika.

Mendu—Da'siwalo balminduri rakgipa
Maikoba balpakbara.

Tani — Nina re'ange niboda,
Maikomancha man'bara.

Mendu—Aiao, saksande re jawa
Skalengarok, kamalengarok !

Tani — Mainasa kengnok unara,
Kenoara chrikataiboda.

Mendu—Indakode na'a iaro sengsobo,
Anga re ange niena,
Mai bima mancha, uara,
Anga chrikatode chababo.
(Nina re anga.)

(Ba'ra peng'a)

×

SKUGIPA MESOKA IX

Mendu—(Borangko nika)
Borang ning'o,
Nomil sakgniko
Balwa man'baawai !
Wai, Tani, wai !

Tani — (Nokoni chabaa)
Baro, bachipak ?

Mendu—Jam-a'dal sambachipak !
(Giting, Kanjing abisako Dikki nina re'bara.)

Dikki— Na'song salgi gita bilbaade
An'sengama an'sengja ? (Unosa uamangde tusiaoni
mikraka.)

(Giting—
(Mikron reprepe ka'dingsmite)
(Niwingwange) Ha! chingara banosa ?
Jumanganma me'manganma ?
Maikaisa ianona sokbajok ?

Ikki — Unanba aganenga,
 Salgi gita bilbaara,
 Na'song abisara,
 An'sengbeama ?

Karjing—

Agaran nangjajok !
 Tusien mamungkon uijajok !

Dikki— Hai, amadrangchi.

Namajing, Simejingchi. (Giting Kanjingko rimanga.)
 (Giting, Karjing abisade re'ange nioa, uon So'rekoba
 nikaaha, indake uamangko Rangsil Rani, Gisil Rari nik-
 soora cha'na ringra on'aha),

Uamangni songkoa,

A'chabrim chagu, Rongmakora Rongsadu,
 A'mite Rong'nabak, Chiginde Rongsaram,
 Aa'anman' Turuma, Sorgirnaan Balmora,
 A'gilsakni bijatchi, Nangram Ripok Do'katchi.
 (Ba'ra peng'a.)

CHIKKUNGGIPA MESOKA X

(Wal'dide Gitingko nikjaenba songtangchi re'angpi'mitingo,
 ramao Tolongmakomirng Chokemako nika-jok. Uamangde
 salo song damsni, a'bri totsni wengipasa.)

Tolengma —

(Wal'diko ramao nika)
 Na'ade bachinasa ?
 Jomrakunrok dakesa,
 Saksan re'baenga,
 Maiba ong'ama ?

Wal'di—Metongbolni gittimchisa

Dura Rachan a'sengchi,
 Re'anga angade,
 Be'enba an'sengjanga angade.

Chokema—

Na'a knapajokma ?
 Me'gam Simareng, Me'gam Kodirong,
 Ch'ingna agananga, Giting, Kanjingde
 Rangsilga A'tarichi,
 Salaram Mitdechakchi,
 Bandipari a'songchi,
 Dikkipani chigachi,
 Dongkam chakam dakenga,
 So'reba Dambeba uchisahana.

Tolengma —

Che, na'ade !
 Manjawaha Gitingkode,
 Krat cha'chakarjok
 Duk ong'chakarjok.

Chokema —

Hi hi hi ha ha ha !
 Changpagijasa me chik mikchapa'ama?

Wal'di—(Ka'o nanga)

Na'song angko chonniknakama?
 Me'chiksurimangmangba !
 (Dokna am'a.)

Ring'a Ringsal —

Chokema, Tolengmade, Wal'din' dokna am'ana,
 Jakko goringrenge, keratangko o'gale,
 Ki'sang nongnenge, bildangdangangjok.

(Ba'ra peng'a.)

CHI'SAGIPA MESOKA XI

(Dikkiara Gitingko, Bandiara So'reko aro Taniara Kanjingko do'sitokaha, do'bik nitokaha.)

Gringrang, Wal'di, aro Saljagring nokpanteo agangrika:—

Gringrang —

An'chingkode bisong'le
Kal'gitchie ro'bebejok !
Giting, Kanjing, So're'e
Kal'ake robebejok.

Wal'di—Hai, Dikkimani songchina,

Name sardie nina,
Tuara Skopatalako
Nangapa Ki'sangbadalko,
Singe nistrangna ;
Do'sibebeama tol'asama.

Saljagring —

Maira gimik re'aira,
Wal'diming anga re'chenge nira.
Gipinrangde dongsoaikubo.
Nangchongmota ong'oara,
Anga okamataira.

Tangkabal —

Maibakai ranggitikoa,
Gro dingna nangoa,
Argaba re'pa'a nanggen.

Rel Aragondi—

Aiao, Sio me'mang,
Tango chalang.
Bobil songchi re'ode,
Do'bik nichengosa naungeuke.
(Do'bik nina re'anga.)

Wal'di—Gitingko man'bajaode,
 Do bikba namjaode,
 Angade kintc binekgijade,
 Donjawane angade bipade.
 (Dikini songchi re'chakatanga)

(Ba'ra peng a.)

o x o

CHI'GNIGIPA MESOKA XII

Ring'ra Ringsal —

Makkra demumuramko,
 Ranggol ja'weweramko,
 Banggri wal'kusiko,
 Chinnatma kore,
 Boldim dare mite,
 Arusang gringsang,
 Kimprang chibilbang.
 Dandrak ja'srongko,
 Na'tok chondiramko,
 Re'angoa batangoa,
 Amak ja'wewee — —
 Bisongko sing'soenga — —

Makkrerang —

Salgrani angdechi,
 Do'bilgani birsachi
 Gitingmu' So'reko,
 Dikkimu' Bandiko,
 An'tang so'mal man'ana,
 Re'angganma na'ara ?

Wal'di—Na'song amakmangmangba
 Angko uisoama ?

Makkrerang —

Wai, mamasong,
 So'mal dona man'oba
 Sandie riknengama?
 Salgittam walgittammang
 Na'songde re'angna
 Nangkugen uara.
 Bisongde cha'e ringe,
 An'sengtokenga.

Makkrerang —

Na'ade ia gitaa re'ange, Chitekrak Chi imitko,
 Agatek Sa'duramko, Damgre Malparteko grongge,
 Rangsil Raniko gronggebo, Bisongo ta'e sing'ebo

(Ba'ra peng'a.)

o x o

CHIGITTAMGIPA MESOKA XIII

(Adita re'angani ja'maro)

Ganjapa —

(Bolcheksio niwate)
 Mamasongde bachinasa?
 Mainasa re'angenga?
 Na'ade so'mal dona man'oba
 Re'angna krat cha'jama?

Wal'di—Na'a gangijagipani pagipara,
 Nang kotip gitchakko;
 Maina ganjajok?
 Nang'ni jaksil ganako
 Maina okpiljok?
 Angko chonnikna skangba,

An'tangko nichengboda.
 Na'a jaratektek,
 Chitekrakni agatek !

(Ba'ra penga.)

×

CHI BRIGIPA MESOKA XIV

Rongra Ring sil —

Amak bonda jokjoke mesokna
 Agatekni chennike aganna,
 Ka'o nange, bika soe,
 Wal'dide Gisil Ranini
 Gringrungde Rangsil Ranini
 Songona sokangaha -
 Malpanteona re'angaha.

Maipante —

Sakoba nangama ?
 Maikoba nangama ?

Wal'di—Rangsilga A'tarichi
 Salnima nabaramchi,
 Chingade re'angenga.
 Dikkimani songchi.

Damgre —

Ia gita re'angbo,
 Gisil Raniona re'angchengbo.

Malpante —

A'chugrim chagu,
 Rong'ma kore rong'sadu,
 A'mite Rongnabak,
 Chigindi Rong'srek.

An'man' Turuma,
 Songjinman' Balmora,
 A'gilsakni bijatchi,
 Unona re'dilna
 Man'gen angaba.

Wal'di—Indide re'dilsrangboda,
 Ramakoba nikkuja. (Re'dilanga)

(Ba'ra peng'a.)

×

CHI'BONG AGIPA MESOKA XV

Ring'ra Ring'sal —
 Rangsil Ranide,
 Gisil Ranide,
 Chubitchiko kansojok ;
 Mebitchiko on'sojok.
 Mesal song'e on'sojok.
 Cha'a ringa matchoto,
 Ja'dalarang sektoko,
 Matchruba re'bajok,
 Wal'diko singe nijok.

Matchru—
 Na'songara mainaba re'baama ?
 Saoba gro dakama ?

Gringrang—
 Mamasong apasong,
 Chingade Gitingming
 Kanjingming So'reko
 Do'si cokokaha inana,
 Singe nina re'bara, .
 Wal'diba Gitingko kangua re'bara

Wal'di—Na'simangara Gitt ngkara,
 Watatpilgenma?
 Kanjing Sorekoba,
 Chingasa kangchenga.

Matchru—

Indikede man'jawa,
 Gimitan namnikatangkosa,
 Rime ra'bara.
 Dikkiba balwa man'baako
 Kolame ra'sea.
 Bandiba Soreko,
 Burungo brangakosa,
 Rime ra'bara.
 Jeba ong'china,
 Da'ode do'simanaha.
 An'chingni bewal gita.
 Mikcha namnikoba.
 Kangnade man'jata.

Saljagring—

Indake ongoba,
 Sorede angnisa.

Wal'di—(Ka'o nange)

Darangba ra'na man'jawa
 Gitingba repilua nanga.

Bandi—Na'songara kratba chajama?
 Gipinni jikko sekna am'ara?

Ringra Ringsal—

Chubitchi ringjoljole,
 Kaji cha'joljole,
 Do'sing ranin dikkako momeke,
 Mising Ravin' kanako ringe,
 Asonge gro jetokenga.
 Ringa chara matchote,
 Saljapang-ming Wal'dide
 Mikron miktong nie,
 Ja'ako salrusite,
 Songtangchina re'angpilenga.

(Ka'ara amja bilara ~~amja~~, ka'ako doke chelko chime
 songtangchi re'angpilenga nangjok.)

(Bara penga).

Printed at

GOVINDER PRINTERS

TURA - 794001